



Kalaallit Airports International A/S  
Att.: Morten Thrane Leth  
Qeqertanut 1, 3. etage  
3900 Nuuk

Atortut elektroniskiusut atorlugit sanatitsisumut, [mtl@kair.gl](mailto:mtl@kair.gl) nassiunneqartoq

**Ilulissani mittarfiliornermi, ASN-imut akuersissuteqarfigineqartumi piffissap qaartiteriffiusartup sivitsorneqarnissaanut immikkut ittumik akuersissuteqartoqarnissaanut aalajangiineq: ASN-iliornissamut pisussaataaffiunngilaq**

Allakkap ullua: 17-05-2023  
Suliap normua: 2023 - 7481  
Allagaatip ilisarnaataa:  
23011033

Postboks 1614  
3900 Nuuk  
Oqarasuaat (+299) 34 50 00  
Fax (+299) 34 54 10  
E-mail: [pan@nanoq.gl](mailto:pan@nanoq.gl)  
[www.naalakkersuisut.gl](http://www.naalakkersuisut.gl)

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup (matuma kingorna 'Naalakkersuisoqarfik') 12. maajimi Kalaallit Airports International A/S-imiit (matuma kingorna 'KAIR') Ilulissani mittarfiliornermut ASN-imut akuersissummi piumasaqaat 9-mik saneqqutsigallarnissamut immikkut ittumik akuerineqarnissamut qinnuteqaammik tigusaqarpoq.

ASN-imut akuersissummi piumasaqaat 9-mi nal. 07:00 - 22:00 akornanni qaartiterisoqarsinnaanera akuerineqarpoq. KAIR 1. oktobari 2023 tikillugu nal. 07:00 - 24:00 akornanni qaartiterisinnaanissamik kissaateqarpoq.

KAIR-ip immikkut ittumik akuerineqarnissamut qinnuteqaammimi tunngavilersuutigaa, Ilulissani mittarfimmi pioreersumi 2023-mi aasaanerani timmisartuussisarnerit piffissami qaartiteriffiusinnaasumi pioreersumi tamarmiusumi, tassalu nal. 07:00 - 22:00 akornanni ingerlanneqartassat timmisartunut sullissisut ilisimatitsissuteqarsimasut.

KAIR-imit oqaatigineqartut malillugit timmisartunut sullissisut akornusersorniarnagit, aammalu sanaartornermi eqqarsaatigisassat isumannaallisaanerillu qulakkeeriffiginarlugit 1. oktobari 2023 tikillugu piffissat qaartiteriffiusartut sivitsorneqarnissaat pisariaqarpoq.

Matumani sanaartukkap ASN-imut akuersissummik peqarfioersup allanngortinneqarnissaa pineqarmat, ASN-imut nalunaarummi<sup>1</sup> § 5, imm. 2 naapertorlugu Naalakkersuisoqarfik pisussaavoq, ASN-imut nalunaarummi § 5, imm. 5 naapertorlugu Naalakkersuisoqarfik pisussaavoq, allannguinissaq tamanna imminermi ASN-imut nalunaaruteqarnissamut pisussaaffeqarfiussanersoq aalajangiiffigissallugu.


<sup>1</sup> Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marsi 2013-imeersoq

Maalaarutaasinnaasut uunga nassiunneqassapput:

Namminersorlutik Oqartussat  
Nunalerinermut, Imminut Pilersornermut, Nukissiutitut Avatangiisinullu  
Naalakkersuisoqarfik  
Postboks 1614  
3900 Nuuk

Tamatuma kingorna maalaarut, najoqqutassanik, suliap naliliiffiginissaanut  
ilaatinneqartunik ilaqartillugu Avatangiisinik Innarlitsaaliuineq pillugu  
Maalaaruteqartarfimmut nassiunneqassaaq. Tamatuma peqatigisaanik suliami  
akuusut suliami maalaarummik tigusaqartoqarsimanera pillugu  
ilisimatinneqassapput.

Inussiarnersumik inuulluaqqusillunga



Natuk Lund Olsen  
Naalakkersuisoqarfimmi pisortaaneq  
Nunalerinermut, Imminut Pilersornermut, Nukissiutitut Avatangiisinullu  
Naalakkersuisoqarfik